

多聞（成實論）

1. 如先說又多聞等慧增長故。能斷貪欲。以智慧性破煩惱故。
2. 若多聞者疑則薄少。此人愚癡無智不知分別佛法異法。是故生疑。
3. 五心縛。若人不離身欲故貪著身。不離五欲故貪著欲。

又與在家出家人和合。於聖語義中心不喜樂。得少利事自以為足。是中四縛因貪欲起。若人不離內身欲故。於外色等欲中生著。是故樂與眾鬧和合。以樂憤鬧故。於聖語義示寂滅法中。心不喜樂。是故於持戒多聞及禪定等少利事中。自以為足。

4. 問曰：若由定生慧。後能斷疑。今云何先定已說無疑。

答曰：以多聞故能斷所疑。非得定故。

5. 又此比丘因佛出家。諸根純熟故為說法。尊勝比丘以同所業故為說法。

又此行者必須聞法。是故為說。又此人有淨戒等功德成熟。猶如完器堪任受盛。故為說法。

此名三慧。通達語言是多聞慧。通達義趣是思惟慧。從此二慧能生心喜。乃至攝心生如實智。是名修慧。此三慧有三種果。謂厭離解脫。

6. 又聞法讀誦為人說法。是多聞慧。思量諸法名思惟慧。善取定相是名修慧。

7. 問曰：若持戒等法亦是解脫處。如說持戒則心不悔。心不悔則歡喜等。或因施等亦得解脫。何故但說此五法耶。

答曰：以勝故獨說。

又問：此法有何勝耶。

答曰：是解脫近因。戒等以遠故不說。

又問：云何知是近因。

答曰：行者聞法。知陰界入等但眾法和合中無我。故則破假名。破假名即是解脫。故名近因。

8. 又經中說。多聞功德謂不隨他教。心易攝等。亦以此故知是近因。

又佛法有大功德。能滅煩惱至泥洹等。

於此寂滅法中。若聽若誦若自思量則速解脫。故名近因。

又施得大富。持戒尊貴多聞得智。

以智慧故得盡諸漏。不以富貴故知近因。

又舍利弗等稱大智者。皆由多聞。

問曰：若以多聞心易攝者。阿難何故初中後夜不得解脫。

答曰：阿難頭未到枕。即得解脫。是故數在希有法中何故不速。

又阿難於此夜中精進小過。以疲極故不得解脫。

又阿難自誓。我於今夜必得漏盡。亦如菩薩於道場自誓。誰有此力。如阿難者皆是多聞之力。

順解脫分善根

此中應廣分別順解脫分善根。」.....

問：「為因何事種此善根。」

答：「或因施。或因戒或因聞。而不決定。所以者何。意樂異故。謂或有人因施一搏食。或乃至一淨齒木。即能種殖解脫種子。如戰達羅等。彼隨所施皆作是言。願我因斯定得解脫。

或有雖設無遮大會而不能種解脫種子。如無暴惡等。彼隨所施皆求世間富貴名稱。不求解脫。

或有受持一晝一夜八分齋戒。即能種殖解脫種子。

或有受持盡眾同分別解脫戒。而不能種解脫種子。

或有讀誦四句伽他。即能種殖解脫種子。

或有善通三藏文義。而不能種解脫種子。」

問：「誰決定能種此順解脫分善根。」

答：「若有增上意樂。欣求涅槃。厭背生死者。隨起少分施戒聞善。即能決定種此善根。若無增上意樂。欣求涅槃。厭背生死者。雖起多分施戒聞善。而亦不能種此善根。」

問：「若有種殖此善根已。為經久如能得解脫。」

答：「若極速者。要經三生。謂初生中種此種子。第二生中令其成熟。第三生中即能解脫。

餘則不定。謂或有人種順解脫分善根已。或經一劫。或經百劫。或經千劫流轉生死。而不能起順決擇分。

或復有人。起順決擇分善根已。或經一生。或經百生。或經千生流轉生死。而不能入正性離生。

順解脫分。亦有六種。謂退法種性。乃至不動法種性。

轉退法種性順解脫分。起思法種性順解脫分。

乃至轉堪達種性順解脫分。起不動法種性順解脫分。

轉聲聞種性順解脫分。起獨覺及佛種性順解脫分。

轉獨覺種性順解脫分。起聲聞及佛種性順解脫分。

若起佛種性順解脫分已。則不可轉。極猛利故。

聞慧（成實論）

1. 又佛法中有真智果。如從聞慧生思慧，從思慧生修慧。故名佛法能生正智。

2. 修身者。

以聞慧修身受心法。

以修身故，漸次能生戒定慧品，能滅諸業。滅諸業故，生死亦滅。

3. 正見必從聞佛法生。是故應習此佛法正論。

4. 如經中說：有四堅法：說堅·定堅·見堅·解脫堅。

說堅者，若說一切有為，皆無常苦，一切無我，寂滅泥洹，是名說堅。是聞慧滿。

因此得定，名思慧滿。

因此定故，觀有為法無常苦等。能得正見名修慧滿。

三慧得果，名解脫堅。

5. 八聖道分者。

從聞生慧，能信五陰無常苦等。是名正見。

是慧若從思生，名正思惟。

以正思惟斷諸不善，修集諸善，發行精進。從此漸次，出家受戒得三道分：正語·正業·正命。從此正戒，次成念處，及諸禪定。因此念定，得如實智。名八道分。

如是次第。又八道分中，戒應在初。所以者何。戒定慧品義次第故。正念正定是名定品。精進常遍一切處行。

6. 慧品近道，故在後說。是慧二種，若麁若妙。麁者聞慧思慧名正思惟。妙者修慧，謂入煖等法中。能破假名，及五陰法，是名正見。

以此正見，見五陰滅，名初入道。

7. 從是次得七菩提分。

念菩提分者。學人失念，則起煩惱故。

繫念善處，繫念先來所得正見是名擇法。

不捨擇法，故名精進。

行精進時，煩惱減少，心生歡喜，故名為喜。

以心喜故，則身得猗，是名為猗。

身猗得樂，樂則心定。

是定難得，名為金剛。

得無著果，斷憂喜等，故名為捨。

8. 又瓔珞經說：若心常修信戒施聞慧。死則上生。

9. 又佛自說有三種慧：聞慧，思慧，修慧。聞慧，思慧皆是世間。修慧二種。

又佛生念：羅睺羅比丘未能成就得解脫慧。

又說：五法能令未熟解脫心熟。此皆是世間智慧。

又經中說：有人能出，而不能觀。有人能觀，而不能渡。得世間智，故名能出。未見四諦，故不能觀。

若見四諦，而未得漏盡。故名不渡。

10. 三慧。聞慧，思慧，修慧。從修多羅等十二部經中生名為聞慧。

以此能生無漏聖慧。故名為慧。

如經中說：羅睺羅比丘今能成就得解脫慧。雖聞達陀等世俗經典，以不能生無漏慧故，不名聞慧。

11. 若能思量諸經中義，是名思慧。如說：行者聞法，思惟義趣。

12. 又說：行者聞法，思惟義已。當隨順行。

若能現前知見，是名修慧。如說行者，於定心中，見五陰生滅。如諸經中說：汝等比丘，修習禪定，當得如實現前知見。

13. 又七正智經中說：若比丘知法，名聞慧。知義，名思慧。知時等，名修慧。

14. 又如羅睺羅讀誦五受陰部等，名聞慧。獨處思義，名思慧。後得道時，名修慧。

15. 又經中說：三種器杖。聞杖，離杖，慧杖。聞杖名聞慧。離杖名思慧。慧杖名修慧。

又經中說：聞法五利。未聞則聞，已聞，明了，斷疑，正見以慧通達甚深義趣。未聞則聞已聞明了是名聞慧。斷疑，正見是名思慧。以慧通達，是名修慧。

16. 又聞法利中說：行者以耳聽法，以口誦習，是名聞慧。

以意思量，是名思慧。以見通達，是名修慧。

又四須陀洹分中，聞正法名聞慧。正憶念名思慧。隨法行名修慧。

17. 又五解脫門中。從所尊聞法，是名聞慧。通達語義，是名思慧。生歡喜等，名為修慧。

又經中說：二因緣故，能生正見。從他聞法，自正憶念。從他聞法，名聞慧。自正憶念，名思慧。能生正見，名修慧。

18. 又偈中說：當習近善人，聽受正法。樂於獨處，調伏其心。是中習近善人，聽受正法，是名聞慧。樂於獨處，是名思慧。調伏其心，是名修慧。


19. 又佛教諸比丘。汝所說時，當說四諦。所思惟時，當思四諦。是中若說四諦，名聞慧。思惟四諦，名思慧。得四諦，名修慧。如是等處處經中，佛說三慧。

20. 問曰：經中說：若行者有七方便，三種觀義。於此法中速得漏盡。是何智耶。


答曰：七方便名聞慧，思慧。所以者何。心未定者，作如是觀。謂此是色，色集，色滅。及色滅，道，色味，過，出。

問曰：若是聞，思慧者。何故言速得漏盡。

答曰：雖是聞慧，思慧。如是分別五陰。能破我心。故說速得漏盡。




隨惑是隨順本惑作用的枝末煩惱，這共有十九種。即：大煩惱地法中的放逸、懈怠、不信、昏沈、掉舉；大不善地法的無慚、無愧；小煩惱地法的忿、覆、慳、嫉、惱、害、恨、諂、誑、憍；不定地法中的睡眠、惡作。蓋大煩惱地法是相應不善與有覆，大不善地法相應惡心，小煩惱地法相應第六意識，且各別分起故統通叫做煩惱。反之，不定地法則不能說全部是煩惱了。因為：睡眠是通於三性，惡作只通於善、惡



修惑共有八十一品，詳如下表。此中欲界中的貪、瞋、痴、慢四煩惱雖為修惑的體，但色界、無色界沒有瞋故，以貪、痴、慢的三煩惱為體。此三界的修惑，隨其強弱復分為上、中、下三品，而每品中又各有三品故，共有九品。因九地各分九品故，

九九八十一，即有八十一品的修惑了。修惑雖然較之見惑性質微弱，但不易伏斷故，古來說：「見惑頓斷如破石，修惑漸斷如藕絲」。修惑八十一品如下表：



三、煩惱的分類

一切煩惱雖然可以以根本、枝末來統攝，但經論中所學的異名多得勝枚舉。現將其主要的簡述如下。煩惱中比較重要的有：三縛、三漏、四暴流、四軛、四取、五